

lu viddanu

Ogni tantu, mi vennù mmenti,
Cosi antichi,
cosi d'atri tempi;
quannu di stenti,
e di fatica, campavanu li genti.

Lu tirrenu, cu l'avia,
era ricchezza,
ma la fatica e li sudura,
turcianu l'ossa.
S'abbiavanu l'armenti
a la pastura,
cu lu bummulu nti la vucca
pi spegniri l'arsura.



Caminavanu l'armali
pi trazzeri sutta li stiddi,
e nti la muntata,
si puncianu li sciccareddi,
carricati di vertuli ,
sacchini e tri lanceddi.

Sutta un pedi di ficara,
si lassavanu li sidduna,
e poi s'abbiavanu,
all'antu cu li faci e li zappuna,
ca curbavanu la carina,
pi scippari l'erba,
"mmezzu l'arbuli nti la schina".



Chista era la vita
di lu viddanu di ddi tempi
cu li sudura, c'asciucavanu li menti
senza paga, e l'ossa stanchi,
e a lu ritornu? ---li lamenti
cu li vertuli chini di nenti...

Vito.Giarratano